

BESTELAKO XEDAPENAK

MUGIKORTASUN JASANGARRIAREN SAILA

4863

EBAZPENA, 2024ko urriaren 4koa, Garraio Azpiegituren zuzendariarena, zeinaren bidez jendaurrean jartzen baita «Mundakako biaduktua konpontzeko eta babesteko eraikuntza-proiektuak» ukitutako ondasun eta eskubideen zerrenda.

2024ko martxoaren 18ko Ebazpenaren bidez, «Mundakako biaduktua konpontzeko eta babesteko eraikuntza-proiektua» onetsi zen. Ebazpena 2024ko apirilaren 11n argitaratu zen Euskal Herriko Agintaritzaren Aldizkarian (72. zk.).

Proiektatutako obra Amorebieta-Bermeo lineako Mundakako biaduktua konpondu eta babestean datza, olatuen bultzada sendoen ondorioz kalteak izan dituelako.

Hori dela eta, denboraleetatik babestuko duen hormigoizko dike bat egitea proiektatu da, biaduktua konpontzeko lanei ekin aurretik. Mikropiloteen bidez zimendatzea proiektatzen da.

Lursailak eskuratzeko eta ukitutako ondasun eta eskubideak kudeatzeko, proiektuak ondasun eta eskubide horien identifikazio zehatza egiten du. Horretarako, desjabetzeen eranskinean ageri dira lurzatieen zerrenda eta planoak.

Organo honek eskumena du garraio-azpiegituraren arloko jarduerak betearazteko beharrezkoak diren desjabetze espedienteak izapidetzeko, Eusko Jaurlaritzako Lurralde Plangintza, Etxebizitza eta Garraio Sailaren egitura organikoa eta funtzionala ezartzen duen urtarrilaren 19ko 11/2021 Dekretuaren 16.2.c) artikulua xedatzen duenaren arabera. Urtarrilaren 19ko 11/2021 Dekretuak indarrean jarraitzen du, Euskal Autonomia Erkidegoko Administrazio Orokorreko sailak sortu, ezabatu eta aldatzen dituen eta horien egitekoak eta jardun-arloak finkatzen dituen Lehendakariaren ekainaren 23ko 18/2024 Dekretuaren Lehenengo Xedapen Iragankorrean ezarritakoaren arabera.

Abenduaren 19ko 26/2022 Legeak aldatutako Trenbide Sektoreari buruzko irailaren 29ko 38/2015 Legearen 6.2 artikuluan xedatutakoaren arabera, beste lursail batzuk erabili beharra dakarten trenbide-lineen proiektuak, horien tartekak edo tren azpiegituraren beste elementu batzuk eraikitzeke proiektuak edo lehendik zeuden azpiegiturak aldatzeko proiektuak onartzen direnean, onspenak berekin ekarriko du onura publikoaren edo gizarte-interesaren deklarazioa, lursail horiek okupatu beharra izatea eta okupazio hori premiazkotzat deklaratzeko, ukitutako eta identifikatutako ondasun eta eskubideen nahitaezko desjabetzearen ondorioetarako.

Nolanahi ere, proiektua onartzeak inplizituki berarekin dakarren arren proiektuak ukitutako ondasunak eta eskubideak okupatu beharra, Nahitaezko Desjabetzeari buruzko 1954ko abenduaren 16ko Legearen 17.2, 18. eta 19.2 artikuluek ondasun eta eskubide horien xehetasunak jasoko dituen zerrenda egin eta jendaurrean jarri behar dela ezartzen dute, nahi duenak alegazioak eta datuak aurkeztu ahal izan ditzan, okerrak zuzentzeko eta interesdunak zeintzuk diren ondo zehazteko.

Hortaz, aipatutako xedapenak, horiekin bat datozenak eta aplikatu beharreko gainerakoak ikusirik, hau

EBAZTEN DUT:

Jendaurrean jartzea «Mundakako biaduktua konpontzeko eta babesteko eraikuntza-proiektuak» ukitutako ondasun eta eskubideen zerrenda, ebazpen hau azken aldiz argitaratu eta

2024ko urriaren 23a, asteazkena

hurrengo hamabost (15) egun balioduneko epean alegazioak aurkeztu ahal izan daitezen, okerrik baldin badago zuzentzeko, hala ezartzen baitute Nahitaezko Desjabetzeari buruzko 1954ko abenduaren 16ko Legearen 19.2 artikulua eta horrekin bat datozenek. Alegazioak Mugikortasun Jasangarriaren Saileko Garraio Azpiegituraren Zuzendaritzan aurkeztu beharko dira (Donostia kalea 1 – Lakua 1, 01010 Vitoria-Gasteiz).

Aipatutako epean, ondasun eta eskubideen zerrenda Mundakako eta Bermeoko udaletxeetako iragarki-tauletan ere erakutsiko da jendaurrean.

Vitoria-Gasteiz, 2024ko urriaren 4a.

Garraio Azpiegituren zuzendaria,
MARÍA DOLORES DE JUAN DE MIGUEL.

2024ko urriaren 23a, asteazkena

ERANSKINA

MUNDAKAKO UDALERRIAN

Finka zk.	Katastroko erref.	Jabea	Eragin mota (m ²)			Izaera
			Erabateko desjabetzea	Zortasun iraunkorra	Aldi-baterako okupazioa	
001	1 – 564	Euskal Herriko Itsasertz Mugartea. Trantsizio Ekologikorako eta Erronka Demografikorako Ministerioa.	405	0	125	Harrizko hondartza
002	1 – 565	Azpiegituretarako eta Lurralde Garapenerako Saila. Bizkaiko Foru Aldundia.	0	0	467	Espaloia eta aparkalekua
005	1 – 617	Euskal Herriko Itsasertz Mugartea. Trantsizio Ekologikorako eta Erronka Demografikorako Ministerioa.	526	0	221	Trenbide-zubia
005 CONC	1 – 617	Euskal Trenbide Sarea	0	0	221	Trenbide-zubia
006	1 – 568	Euskal Herriko Itsasertz Mugartea. Trantsizio Ekologikorako eta Erronka Demografikorako Ministerioa.	3	0	237	Harrizko hondartza

BERMEOKO UDALERRIAN

Finka zk.	Katastroko erref.	Jabea	Eragin mota (m ²)			Izaera
			Erabateko Desjabetzea	Zortasun iraunkorra	Aldi-baterako okupazioa	
003	1034 – 1001	Euskal Trenbide Sarea.	0	0	271	Hormigoitutako lurra
004	1034 – 1001	Portu eta Itsas Gaietako Zuzendaritza. Elikadura, Landa Garapen, Nekazaritza eta Arrantza Saila. Eusko Jaurlaritza.	0	0	1090	Hormigoitutako lurra
004 CONC	1034 – 1001	Euskal Trenbide Sarea.	0	0	1090	Hormigoitutako lurra